

INERSIMASUMUT SIULEQUT


Atuagaq una ilaqtariinni napparsimasoqareernerup kingorna toqukkut qimaguttoqarneranik sammisaqarpoq. Toqukkut qimaguttoqartillugu misigissutsikkut qisuariaateqartarneq ilisimavarput soorlu aliasuuteqalernermik.

Tamanna soorunami qimagaasumut, inersimasumut meeqqamullu, nalinginnaasumik sunnertiffusarpoq. Meeqqanulli unammillernartuusinnaasarpoq, tassami meeqqat toqukkut qimaguttunik misilittagaqartuunnginnamik, ilaatigullu allaat inersimasunit, namminneq aliasuuteqartunit, malugineqanngitsoorsinnaasarlutik.

Atuakkap aamma toqup suunera erseqqissarniarsarivaa meeqqap eqqarsaamminik misigissutsiminillu oqaasertalii-niarsinnaaneranut ikorfartuutaaniartussaalluni, taamaalilluni meeraq attaveqateqarnermigut inissaqartinneqarnerulersinnaamat.

Atuffassininni meeraq imaassinnaavoq arlaatigut qisuariartoq. Taamaattumik ammaffigiuk: Qulequtaasumut tunngasumik arlaannik oqaasertaliiniarsinnaaneranik ikorfartorlugu misigissutsimigullu aniatitaqarsinnaaneranik, soorlu aliasuumminik kamassaminilluunniit. Tamanna nalinginnaalluarpoq qaangiilluarnissaminullu iluaqutigilluarsinnaavaa. Annaasaqarsimane-rup kingorna meeqqap alisuumminik aqqusaagaqarneratigut aqutseqatigiuk, ilisimavarpummi tamanna meeqqat siunissami nalinginnaasumik annaasaqarnissamut inuunermilu ajutoornermit eqqugaanissamut sillimmasersuutigilluarsinnaagaat.

*Amalia Lynge Pedersen
Cand.psych.*



Suluk qulingiluanik ukioqarpoq, 4. klassimilu atuartuulluni.
Qatannguteqanngilaq. Atuarfimmini fritidshjemmilu
ikinnguterpassuaqarpoq. Suluk anaanaminit ataaminilluun-
niit aaneqartarpoq. Anaanaa nujalerisuuvoq, ataataalu
atuakkanik atorniartarfimmi sulisuulluni.

Illuni uigulukuttuni najugaqarput
umiatsiaqarlutillu.





Sapaatit-akunneranut ataasiarluni Suluk aataminit atuarfimmuut aaneqartarpoq. Suluk aatanilu imminnut assut nuanna-riipput. Aataa amutsivimmi angallatilerisuulluni sulisuusimavoq. Suliffimmi saniatigut pinialunneq sammisarisarsimavaa. Ullumikkut aatsaat ilaqttani ilagalugit angalaqataarusuttarpoq. Utoqqaavoq, 70-inimmi ukioqarpoq. Aataa qungujulasuuvoq, isikkumigut saamasoq nuannaarpaluttuaannartorlu. Inissiani ineqarpoq, angerlarsimaffialu toqqissisimanartuuvoq, tikka aaliangersimasoq, nuannersumik utoqqarsunnitsoq.

Aataap Suluk atuarfimmuut aaleraangamiuk tamatigut bussinut ilaasarpog. Aggiaartarpoq, atuarfiullu silataani qilanaarpasivilluni utaqqisarpoq. Suluup aatani takugaangamiuk nuannaatsalluni arpaannaq ornittarpaa. Suluup aatani pissiffigerusuttaraluarpaa, kisianni aatani utoqqaammat mianersorluni tikittarpaa. Eqitaartarpaa, aamma Suluup malugisarpaa aataap eqerujussuartaani, soorlu iperarusunnani. Tasiortulik bussit unittarfiata tungaanut ingerlasarput. Bussinut ikileraangamik aataa siulliujuartarpoq nipituumillu illalaajutigaluni oqartarluni: “Qaaqaa, nissukka qeratasuut, aamma ilissi qaqiniaritsi.”





Suluup nuannarisaqaa aataminit aaneqartarnini, aammami bussertarnertik nuannarisaqigamiuk.

Aataap inaanut iseraangamik aataap suna tamaat piareersa-reersimasarpaa. Aataallu Suluk tamatigut ima oqarfigisarpaa: “Aataammita ernutannguaminut suna pilliutigissavaa?” Taava Suluk eqqoriaasarpog, tamatigulli nalunngilaa saftiliorsimas-sasoq aammalu aataap kalaalimerngit arlaat piareersimassagai, soorlu aalisakkat panertut, ammassat imaluunniit nikkut. Ilaa-tigullu mattammik pissarsisimagaangami mattammik agguisi-masarpog. Tamakku tamatigut Suluup paarlakaajaallugit eqqo-riartarpai. Suluk aamma aperisarpog: “Aamma nagguteerartus-saagut?” Aataa ikasarluni akisarpog: “Aap, tiggaaraateqarpunga immaqaluunniit iveeqqamik perusunneruit?” Aataa illalajaajutiga-luni akisarpog. Tamatigut tamakku oqaatigisarpaat. Kalaalimi-nertoreeraangamik nagguteerartortarput, aataa kaffisuutigaluni.

Sivisuumik nerrivimmi issiarujoortarput. Aataap nuannarivaa Suluk tussiutinik atuffatissallugu, pingaartitaralugulu tussiuti-ninngaannit ilikkagaqarnissaa. Tussiutini aataap nuannarivai ullaarsiutit ilaat Suluup nammineq ilisariuartagaa, aamma atuarfimmi atortagartik ima ilaqartoq: “Annaassisunnguatta asagamisigut, qilammut tarnivut pisikkumaarpai, nallittorpaalu nunami erloqisut meerannguit pilluaqqungaarpai...”

Aataap aamma Suluk oqaluasaarfigisarpaa, kisianni aamma aataap tamatigut pingaartittarpaa Suluk kammalaatai pillugit tusarniaaffigissallugu, aammalu atuarfimmi sunik ilikkaga-qarsimaneranik paasiniaaffigissallugu. Suluup ilinniartitsisua Nicolinemik ateqarpoq. Danskisut upperisalerinermilu ilinni-artitsisora. Upperisalerineq sammigaangamikku Noline biibilimit oqaluttuanik atuffassisarpoq. Biibilimi oqaluttuar-passuarnik ulikkaarpoq. Aamma tussiutinik erinarsoqatigi-

sarpai, ilikkagassaat pingaartut

ilikkarniassammati-git. Tussiaangamik Noline pattagiaa-samik ingiuisarpoq, soorlu oqaluffiup pattagiaatut nipilimmik.






Suluup atuaqataa Aputsiaq oqarpoq: “Uanga Guuti upperaara, ilaquuttatsinni Guutimut uppertuugatta, taamaammat uanga kristumiutut Lutherikkuusutut upperisaqarpunga.” Taamaammat Aputsiap upperisaqarneq nalunngilluarpaa.

Atuaqataa Aviaq oqarpoq: “Uanga inngilit upperisaraakka,” nangillunilu oqarpoq: “Takuuk, assiliaaqqat aajuku kusanartut amerlasuut katersukkakka atuagaaraatinniittut.” Aviap atuagaatini upperisalerinermi sammisaqarnissaminnut nassar-simavaa. Kusanaqaat, qillalaartortaqaarlutillu. Aviaq nangilluni oqaluttualerpoq: “Inngilit paarisarpaannga, aamma inunnut toqusimasunut oqaasissanik apuussisinnaapput.” Namminermi misilissimavaa aanani toqoreersoq oqaloqatigalugu. Ingammik aanagigaluani maqaasileraangamiuk taama iliortarnerarpoq. Angajoqqaanilu iliveqarfimmukartarput, tamannalu aanaminut maqaasisarnermini iluaallaatigisarlugu.



Aataap aamma Guuti upperivaa. Suluup aataavatalu upperisarsiorneq oqaluuserisarpaat. Aamma tussiuteeqqanit tussiartarput. Sulummi kuisikkami aataminit tussiutinik tunisissimavoq. Aataa oqartarpoq: "Guutimut inuunera tunniutereerpara." Taamatut oqaraangami saamasumik qungujulaarluni assamminik Suluup assai pattalaar-tarpai.



Aataata Suluk pingasunnigornikkut atuarfimmut aasarpaa. Ilaannikkut aamma sapaatit-akunnerata naanerani aatamini tukkusarpoq. Aatamini tukkugaangami unnukkut sivisunerusumik eqqumasinnaasarpoq fjernsynerluni, aviiseeqqanik titartakkanik atuarluni eqqissisimaarujoorluniluunniit. Aatami oqaaseqarnani eqqissisimaartarnera Suluup nuannarisarpaa.

Sivisuumik aamma sinissinnaasarpoq, soorlumi feriaannarluni.

